

凌源縣志卷

橋梁

大河前橫人欲濟而無橋車欲渡而無梁為交通一大障礙凌源橋梁川河溪澗所在皆是縣治各街衢則石橋有五四境亦多有之惟土木橋非及冬不能建也有地方合力公建者有慈善家歷年獨建者陋鄭子產濟人之小惠仿十二月輿梁之告成車馬行人往來占利濟焉茲擇其在通衢者過渡分別記載以期周行之如砥也志橋梁

廣濟橋

石砌在西大街縣公署迤西為往來輻輳之通衢

有慈善家趙永昌者家非甚富於民國十三年首捐銀洋
一百五十圓衆慈善家集資共成之邑人屢議勒碑趙不允

大石橋 在縣東十八里東大梁西麓今圯

東河橋 在縣東門外夏季置板橋以利徒步每屆霜降經

八行商出資視河流寬窄分置水洞橫豎架以巨木上敷

秫稽培之以去小雪後大雪前冰凍時方許行車早則恐

軋斷也交立夏節拆之置板橋以利徒步每逢雨後河漲

將板移置河岸下同

南口橋 在縣街小南口外為南路往來通衢建置同上

南河橋 在縣南門外為西南路通冷口往來之衢建同上

北口橋 在縣北門迤西里餘蘊元當迤北河崖下為朝陽

建平赤峯三路往來之通衢也建同上

三道河橋 為赴綏錦通衢頭道橋在縣南喇嘛灘二道橋

在灘東三家三道橋在哈卜齊蒙古語山口蓋一河彎環

需橋三座早年由喇沁^喀左翼旗主每橋備有租糧若干石

派旗員屆期建之通以年久租欸遺失聞亦有遺作^移別用

者力雖不及常有經冬無橋時行旅苦之上年經縣警察

所長周雲生飭由地方補助往來始獲利濟

八家橋 石砌在喀喇沁左翼旗署南四里八家子村北徑

約七丈廣三丈該村有商號近又開有集市為往來行旅會萃必經之橋

六股河橋 在縣東南二百三十里之沙子哨村東前為地

方經冬共建之善橋自巡官李萬榮沙子哨人以警款不敷

呈請縣署酌收橋費行旅苦之今此弊已革

青龍河橋六座目在三道河子起至石盆曼止東北距縣治一百四十里是地為

眾水歸納河流深廣屆冬建橋費工需款甚鉅聞地方遠慈

善家近多補助之

二十里堡河橋 在縣西二十里榆河自西北轉而東流正

當往來平熱之衢早年河水大時橋建五空邇來祇建一空
石塔河橋 在徐家燒鍋村北邇因雨稀河涸無建橋之必
要矣

榆河橋 在大城子向分東西二橋皆本處商家集款及時
興建邇連遭兵燹商業一落千丈遂減建一座矣

榆河渡船 渡口在大城子從前未有造船者夏季河水漲
發往往經月人不能渡民國六年有講善堂之慈善家募
貲造船遠近皆占利濟八年縣知事邱公查該堂人尚迷
信如扶鸞降仙等事禁制而解散之船遂置之河干無人

經理涉者病之夫迷信固宜破除造船何不獎勵之耶

黑山科大石橋 在嶺下黑山科西

安障子大石橋 在嶺下過梁溝安障子牌石橋子村

馬架子河橋 每當秋後現建距大城子五里為大城子經

奈木皋十二德堡下嶺之通衢

東哨善橋 本地蒙古紳士武姓家歷年施建後因事破家

橋遂斷大城子商務頓形衰退

東臺子村西渡船 距大城子十五里係河西安障子村民

肖造主來赤里赤集市人皆便之民國十四年置

南北亮子村渡船 渡口在兩村之間詎大城子五十里以

河至此益大而深夏季河即不漲往來亦艱於渡民國十

六年兩村人民倡造善船一隻普渡之人人稱便

平房河橋 在縣南九十里平房子迤東係河東岸蒙古富

姓大院歷年獨力施建

海道營子河橋 亦名山嘴子川在海道營子東及期公建

為奉熱往來必經之通衢

凌源縣志卷

公署

廳治之地義取嚮明立法之庭形尚嚴肅帝制時代官長

駐在地所以概稱衙門也然亦有署之名而非通稱凌源

縣界外

前當建昌縣時同城有稅務署典史署捕盜營其巡檢署

則在南犇牛營子縣丞署則在北四家子四家子劃歸建

平矣或掌權政或為佐治或司緝捕固一代之經制也民

國則定名曰縣公署管獄署餘署悉裁徵收曰局警察曰

名以義起要之皆公署也

所其他各捐稅局所附焉顧名思義而時殊制異矣志公署

縣公署

極屬卑卑剛東境

在路喇沁左翼境內偏西北隅縣治分四大街公

署在西大街廣濟石橋迤東清乾隆七年建三十七年通判清公格重修民國因之

按塔子溝紀畧邑侯清公記其略曰塔子溝地處邊陲本明三衛地我聖祖仁皇帝布土物之宜闢其田疇教民稼穡商旅輻輳漸成都會以理廳統治之初署以來蓋三十年於茲矣辛卯夏余蒞茲土下車之始廳署不具謹按治境東界奉天南距長城西接八溝北交科爾沁幅員五千餘里七旗之王公貝勒處其中各省之編氓黎庶倚於野

天下之工賈集於市人稠地廣而公庭如是將何以治於是捐廉為之鳩工庀材擇日從事自壬辰春暮至夏五月歷九旬外而堂廡內而廳舍以及庖溜之所規模粗備夫為地方良有司又生逢盛世蒞事親民整齊堅固所以昭法守亦以肅觀瞻聽政之地顧可忽歟是舉也不敢因陋就簡視官如傳舍區區之心如是而已未知後之蒞茲土者亦有同志焉否耶乾隆壬辰五月吉日立石

按清公重修縣署當時民殷物阜七旗帖然聽治之地不可過陋此蓋因時致治之深意也然始能肅觀瞻繼以宏

教育勞來匡直輔翼振得公之馨不益遠乎

四十三年改縣仍其處署大門三楹影壁一座東西木轅
門各一具四面圍牆高三尺儀門三楹門外東西役房各
三楹大堂三楹抱廈三楹東西廂科房各六楹役房各三
楹迤東土地祠一楹直宿兵房一楹馬房二楹二堂三楹
左右耳房各二楹堂後東西書房各三楹東西廂房各三
楹南樓一座內宅十楹後通判海通阿又於馬神廟前建
魁星閣一座今內宅正廳三楹東西廂各三楹挨左右耳
房一楹二堂東院花廳三楹大仙堂三楹後院書記房三

楹庖廚三楹今南樓久圯馬廟神又撤毀土地祠旋改三楹
有抱厦民國十三年因失修全拆另從東西修建工房多
間擬作囚犯工廠秋季軍興遂擱置現在東科六楹已圯
去四楹惟兩科山墻南有待質所各三間尚未圯

典史署 在縣公署儀門外西偏乾隆八年建大門一間大

堂三楹東 兵房一楹西廂三楹二堂三楹內宅三楹東

西兩廂各三楹宅門一座大堂東偏二楹西偏二楹

縣丞署 在縣治四家子距城二百十里嘉慶十六年添設

丞廳即於是年建清光緒三十年劃歸建平縣今廢

巡檢署 在縣治南犇牛營子距城一百四十里嘉慶十六年
添設署於是年建今廢

捕盜千總署 在營房街大門三楹二門一楹大堂三楹內
宅三楹東西廂各二楹二門外左右兵房各二楹西書房
三楹民國改為電報局十三年將大門折作洋式牆門

警察所 在縣署迤東路南大門三楹門西院北房巡警室
五楹東車門兼巡警室共三楹東馬棚三楹二門一座正
廳辦公三楹後房股員室五楹東廂六楹拘留所二楹

塔子溝稅務司署 在縣治小西街乾隆十九年奉文交喀

喇沁貝子故圖靈阿建大堂三楹內宅三楹左右耳房各
一楹東西廂各三楹西書房前後各三楹廂房二楹馬廄
一所二門一楹東西便門各一座東西科房各三楹大門
內東西門役房各一所塔子溝紀畧影壁一座東西木轅門各
一具四面圍牆高三尺

徵收局 仍塔子溝稅務司署清光緒二十九年經熱河都
統錫良奏裁稅務司員歸熱河都統檢員徵收稅款以一
事權民國因之十三年大堂左右又添建廂房各三楹

烟酒事務局 在小西街租房辦公

電報局 居前捕盜千總署

郵政局 在大西街租房辦公

捲烟印花分處 在東門裏武廟內辦公

鹽務督銷局 在東大街租房辦公

凌源縣志卷

法團

法團者依法組織之所以促進地方行政之機關也由京師而各省區而各縣分級林立俾與行政車輻相依掃君制之餘威期民權之實現凌源僻處塞上詎肯後人教育農商財政等會局所中高初女各級學校無不次第成立此後迴日月而息風雲平天下而寧萬國悉依平民常道以資進步則大同之軌度不託諸空言也志法團

教育會

民國二年成立以學界全體人員依法組織之

會址

附^本教育局內在新文廟內

經費

尚未規定成數每年於地方稅捐附加項下由縣署量為

補助

職員

副會長二員

會長一員

書記一員

會傭一名

會長

楊德化 北洋師範畢業民國二年就職故

楊守亨 中學畢業前代^理凌源縣縣知事

副會長

何蔭桐 中國大學法業士

田弼宸 ^於中學畢業

周峻德 ^中學畢業

教育局

^{清光緒三十二年設}

以前勸學所改組民國^{二年}初廢勸學所五年恢復之十五年^四改教育

局址

在粮市街新文廟内

經費

地方捐稅附加由財政所按期支領報銷縣署

職員

局長一員 縣視學二員 學務委員十六員 書記一員

度務一員 通俗講演員一員 局傭二名 更夫一名

局長 前清為學董民國十四年前為勸學所長

王鎮震 民國二年解職

趙銘 民國五年春就職

局長信致

局內

置有董

如

事務員二員

四

備書館員一員

張海觀 民國十三年冬就職

王其昌 前凌源高小校校長民國十四年就職

孟繼武 前縣視學民國十七年七月就職

縣視學

龐炳如

孟繼武

葉向榮

朱作霖

郭自然

趙鈞

縣立初級中學

民國十四年七月初一日開學生徒八十餘名

校舍

在南建昌街路西院落寬廠以大廳五楹分作講堂北廂
十數楹為職教員室南廂十數楹為學生自修室大廳後南
房三楹為廚房北房五楹為住室臨街房十一楹中一楹
為大門門內影壁一座

經費

地方捐稅附加年支銀三千元由財政所按期支銷

職員

校長一員 學監一員 庶務一員 教員四員 門子一名
更夫一名 堂役二名

課程

國文 文學史 文學源流 英文 公民 算術 幾何
代數 三角 地理 中外歷史 化學 物理 動物
植物 鑛物 生理 手工 圖畫 音樂 習字 作文
體操 以上所有課程每星期週而復始

校長

張海觀 北京大學法學士

學監

王克昌 熱河中學畢業

成績

本年春升入熱河高級中學學生十一名

學生額數 不拘

不拘現在八十一名分甲乙丙三班

縣立高級小學校 前清命名高等小學堂民國改為高級

小學校

清光緒三十一年三月十一日開學生徒六十餘名現在
共一百一十三名

校舍

在財神廟街坐北向南係永和糧店舊址光緒二十九年
築校舍三十年春落成大門三楹階高三尺門東三楹為
閱報所并院中牌房一座牌房東三楹西三楹磚門一楹
門東三楹西三楹皆南嚮左右兩廂各三楹皆為職教員
室磚門內講堂五楹東西廂各五楹為學生自修室講堂
後正房自修室五楹東西廂自修室各五楹其正房自修

室後操場前禮堂五楹前有抱厦厦今圯禮堂迤東五楹
為縣治第一初小校舍迤西五楹自修室校之東院前中
後三講堂分甲乙丙迤南東西對面各五楹東楹廚房西
楹儲物室臨街五楹為宣講室

經費

地方捐稅附加年支銀二千六百七十元學生年納學費
現銀五元

職員

校長一員 教員四員 司事一員 校傭二名 更夫

一名 門子一名

課程

國文 修身 地理 歷史 英文 算術 理科 經學

圖畫 手工 音樂 體操 每一星期週而復始

校長

李沐霖 前清甲午科舉人光緒三十一年三月十一日

就職民國以軍法監供職熱河前護理熱河道道尹

李潤霖 前清附生孝廉方正宣統三年一月就職民國

以簡任職供職熱河

姜世芬 前清附生八等嘉禾章民國二年一月就職

王其昌

熱河中學畢業直隸私立法政學校畢業民國四年就

宋履謙

直隸第三師範學校修業民國三年充本校教

員十四年六月接校長職

喀喇沁左翼高級小學校

按蒙旗在前清時代以朝廷因俗而治許蒙古不讀漢書

每年由理藩院行文各旗皆具蒙人向無讀書之結以保

舊習光緒末葉詔全國興學自無歧視蒙旗之理時右翼

旗多羅郡王貢桑諾爾布首先創立男女各級學校以樹

內蒙風聲民國左翼旗以扎薩克多羅郡王熙凌阿在京
供職本旗總管一等護衛許長春乃籌租款作興學經費
呈請立案是為左翼旗興學之創舉也

校舍

在公營子旗署東二里民國二年春興工建築三年春月
落成大門三楹左右廂各三楹門內砌甬路直貫禮堂第
二層二門一楹東西正房各三楹為職員室第三層講堂
五楹左右廂各三楹為教員室第四層講堂五楹左右廂
各九楹左為廚房儲物室右為學生自修室第五層中間

禮堂一楹東西學生室各三楹大門迤東車門一楹校舍
東為菜園西為操場規模宏敞

經費

租款年約三千元

職員

與縣校同

課程

與縣校同

校長

陳登第 灤州初級師範畢業民國三年就職

王永貴 清河陸軍學校畢業民國六年就職

于德成 熱河中學畢業民國二年就職

海汀高級小學校

在藥王廟村民國元年依法由地方公立學生七十餘人
先是張紳麟書以該村距縣寫遠商之趙紳銘權就張之
私舍開學所需經費由張自籌者有之就地方公籌者有
之二年乃捐本產地在村東北隅鳩工庀材仿照保陽中
學規制而創修之講堂宿舍煥然一新三年又呈部立案

并開中學學部總長湯化龍賜匾額曰海汀中學校四年
以地方金融恐慌校款驟艱遂將兩等校務停辦其高小
校之未畢業者由趙紳帶赴縣治附入縣校逾年畢業六
年張紳麟^書閣又將藥王廟高小校竭力恢復之中學則無
力辦矣

要路溝公立高級小學校一所在天命寺於民國七年經該
處衆慈善家共同創設

果木樹營子公立高級小學校一所於民國十三年經該處
士紳甯子明創設

三十家子公立高級小學校一所於民國十四年經該處士

紳宮保恩創設

縣立女子高級小學校一所在縣治西大街內附西街女子

初級小學校民國十一年三月創設

縣立南街女子初級小學校一所民國十五年春創設

縣立北街女子初級小學校一所民國十五年春創設

縣立馬道街女子初級小學校一所民國十五年秋創設

縣立糧市街平民學校一所民國十五年春創設

縣立同民初級小學校一所民國元年創設

全縣地方初級小校 九九 一百八十餘校有一牌立兩校者但

居最少數

前清書院

秀塔書院 在糧市街南嚮清乾隆三十七年八月塔子溝

理事通判哈達清格因舊館改修擴充之有碑道光十年
被知縣事福珠隆阿另建書院於西街石橋下改名瑞雲亦有碑
移入西大街新瑞雲書院舊院遂作歷任交替公所光緒

三十年洪任裁今作商會

瑞雲書院 在西大街廣濟石橋下清先緒十年理事通判

福珠隆何以限市後義倉毀變買 倉址尚在非父用建新

院舊區
遂作縣

書院改名瑞雲以邑南有瑞山也雲同時東院並建文廟落成後遂將舊秀塔書院并碑石移於新院庚寅閏四月立石清儒學生員額 四名常撥公額一二三名不等以府學有公額四名備臨時撥各縣文卷之佳者生額皆隸府學故縣有書院無文廟遂無學官

地方財政所

民國八年八月依法組織之

所址

在管獄署西院

職員

所長一員 庶務一員 書記一員 傭工酌用
九年八月置檢查員六人分期住所所以資檢查十六年一
月奉令改組移址縣署歸縣長節制取銷檢查員設
一員司事二員僱員隨時酌設

款額

地方畝捐 統計全縣人民所種之地九千頃有奇每畝
徵銀一角六分暨屠宰車牌等項^三款_之

歲入

共徵入銀十五萬四千元有奇

歲出

十五萬三千餘元

所長

邢振閣 民國八年八月就職

宮保賢 十二年十一月代理

項立宸 十三年七月代理

姜渭清 十四年八月就職

商會

清宣統元年依法組織成立

會址

在糧市街新文廟東壁

職員

會長一員 副會長一員 會董二十八員 常川輪值住會

辦事者四員

會期

歷年仲春依法開大會一次 仲秋開討論會一次 城鄉商號俱到其因事認為有關會之必要由會長臨時召集之

經費

常年約三千餘元無底款按月計股數均攤

紅十字會

會址

在山東會館民國十二年冬成立

職員

會長一員

副會長一員

會董三十名

會員無定額

成績

民國十三年秋之軍事自十月起至十四年春共醫傷軍

官兵士七百餘員名成績頗優

凌源熱河興業銀行

行址

在東大街中段今移三合達院內民國十年分此十月成立

職員

經理一員兼省分金庫主任 副經理一員 分課辦事

會計出納庶務兌換文牘五課各有專員司之本年暫停營業

金庫收款

縣署

福建人前
局長十一

凌源人十

職

全年收款十五萬四千圓有奇

徵收局

全年收款九萬五千餘圓

菸酒事務局

全年收款四萬一千二百五十五圓

鹽務督銷局

全年收款

熱河票洋十萬零一千四百五十三圓一角八分
現銀洋一萬八千二百三十四圓五角一分

捲烟吸戶捐

全年收款

熱河票洋二十三萬七千三百四十圓零一角七分
現銀洋四千五百五十二圓八角一分

經理

劉肇基

民國十年十月設行

夏修和

十一年以副理遞升

曹濟川

十六年春任職承德縣人

副理

王廷璽

同上豐甯縣人

凌源縣志卷

廟祠

鬼神體物不遺盛服祭祀必備如在其上如在左右古人所以通來格之誠也凌源自建學宮示斯文之有在崇隆武廟凜大義之昭垂宏厥其規模遵釐其秩祀以及遺愛在民鄉賢節孝與夫羣列祀典鞏我神皋者莫不律以飲水思源之義用篤報本返始之情也志廟祠

先農壇 在縣治東門裏關岳廟大殿東院壇址約畝餘聞在清道光中葉建

祭日 清以仲春吉亥著朝服行禮禮成更采服率屬行
耕藉禮民國停

祭品 羊一豕一鉶一簋簋各二籩豆各四尊一爵三帛一
壇制 南嚮高二尺方闊一丈八尺南出陛五級中奉先
農炎帝神農氏之神先農厲山氏之神先農后稷氏之
神周以燎垣圍四丈有奇

按先農壇在清為鉅典故列諸祠之前而社稷山川諸
壇次之

社稷壇 在縣治西峯寺今圯祀典民國停

風雲雷雨山川壇 在縣治隆興寺祀典民國停

新^文孔廟

民國十二年夏重新建於糧市街商會西隔壁大成殿五
楹兩廡各三楹大成門三楹十三年春落成泮池靈星門
尚未及建十五年大成門外又建東西兩廂各三楹

舊文廟

在西大街廣濟橋迤西嚮南大成殿三楹兩廡各三楹大
成門三楹門外磚砌泮池並磚^{架磚}鏤池上橋三座池之前為
櫺星門門外又建一木柵門路南築紅影壁長三丈清光

緒初年圮另就柵門前建映壁長丈五尺圍以玲瓏磚牆
東西開兩便門轉形緊局後形家相地不吉乃遷糧市街舊廟
遂作農會

地方長官祀

孔子儀

大成殿

至聖先師正位南嚮

復聖顏子同

述聖孔子位東位西嚮

宗聖曾子參

亞聖孟子軻西位東嚮兩序

先賢東閔子損冉子雍端木子賜仲子由卜子商有子

若皆西嚮 西冉子耕宰子予冉子求言子偃顓孫

子師朱子熹皆東嚮兩廡

先賢東公孫僑林放原憲南宮适商瞿漆雕開司馬耕

梁鱣冉孺伯虔冉季漆雕徒父漆雕哆公西赤任不

齊公良孺公肩定鄒單罕父黑榮旂左人郟鄭國原

亢廉潔叔仲會公西輿如邾巽陳亢琴張步叔乘秦

非顏噲顏何縣亶牧皮樂正克萬章周敦頤程顥邵
雍西蘧瑗澹臺滅明宓不齊公冶長公皙哀高柴
樊須商澤巫馬施顏辛曹卹公孫龍秦商顏高壤駟
赤石作蜀公夏首后處奚容蒧顏祖句井疆秦祖縣
成公祖句茲燕伋樂歆狄黑孔忠公西蒧顏之僕施
之常申棖左邱明秦冉公明儀公都子公孫丑張載

程頤

先儒東公羊高伏勝毛亨孔安國毛萇杜子春鄭玄諸
葛亮王通韓愈胡瑗韓琦楊時謝良佐尹焞胡安國

李侗呂祖謙袁燮黃幹輔廣何基文天祥王柏劉因
陳浩方孝孺薛瑄胡居仁羅欽順呂枏劉宗周孫奇
峯黃宗羲張履祥陸隴其張伯行湯斌 西穀梁赤
高堂生董仲舒劉德厚蒼許慎趙岐范甯陸贄范仲
淹歐陽修司馬光游酢呂大臨羅從彥李綱張栻陸
九淵陳淳真德秀蔡沈魏了翁趙復金履祥陸秀夫
許衡吳澄許謙曹端陳獻章蔡清王守仁呂坤黃道
周王夫之陸世儀顧炎武均北上東西嚮

崇聖祠殿內中

肇聖王木金父左

裕聖王祈父右

詒聖王防叔次左

昌聖王伯夏次右

啟聖王叔梁紇皆南嚮

先賢孟皮曾點孟孫氏東位西嚮顏無繇孔鯉西位東嚮

先儒東廡周輔成程珦蔡元定西嚮西廡張迪朱松東

嚮均北上歲以夏時仲春仲秋兩上丁日

地方官親詣

孔子廟致祀前三日齋戒散齋二日致齋一日如祀
天儀

右右齋戒

前前祀一日昧爽執事員

凡執事員兩廡及
聖祠司帛爵應由教育局

崇

長酌派其餘均
當由縣署酌派

潔蠲殿內外藉以稷薦拂拭

神座張大次於大成門外之左殿上

正位籩豆案一其前俎一又前香案一皆南嚮

東配二龕西嚮

西配二龕東嚮籩豆案俎香案各二東序一龕西嚮西

序一龕東嚮籩豆案各六統設俎香案東西各一殿
中少西祝案一南嚮東尊桌一接桌一福胙桌一尊桌
桌一接桌一均北嚮

正位神龕東旁饌桌一南嚮

四配神龕北旁饌桌各一東西

哲位神龕北旁饌桌各一均東西嚮東廡

先賢四十位

先儒三十八位籩豆案三十有九每案二位統設俎香案各

二先賢各一均西嚮西廡

先儒各一均西嚮西廡

先賢三十九位

先儒三十七位 籩豆桌三十有九 每案二位 惟第二十三案 先賢一位 第三

十九案 先儒一位 統設俎香案各二 先儒各一位 先賢一位 均東嚮廡內

兩旁各設饌桌一 南北嚮門內之南各設尊桌一 北嚮

崇聖祠正中五龕均南嚮 籩豆案五 香案五 統設俎一

東配一龕 西嚮 籩豆案三 香案三 西配一龕 東嚮 籩

豆案二 香案二 俎統設東西各一

正位案旁東饌桌三 西饌桌二

配位饌桌東西各一 殿內少西祝案一 南嚮東尊桌一

接桌一東廡

先儒三位西嚮籩豆桌二西廡

先儒二位東嚮籩豆案一俎統設東西各一香案一饌

桌尊桌亦東西廡各一凡桌案均施紅緞桌衣

右供張

是日午後執事員大禮服敬書祝版

用白紙墨書版長一尺二寸廣

八潔室安奉遂詣宰牲所省牲眡宰宰人以鸞刀割牲遂戒具視滌漑辨籩豆簋簋之實以次展於饌所

右書祝版眡割戒具

將事之夕夜半執事員各率其屬入具器陳

正位籩豆案上爵墊一其前登一實以太羹鉶二實以和羹簠二實以稻粱

簋二實以黍稷籩十有二實以形鹽稟魚棗栗榛菱芡鹿脯白餅黑餅糗餌粉餐豆

十有二實以韭菹醢醢菁菹鹿醢芹菹兔醢配食糝食俎實牛

一羊一豕一香案上設鑪一焚以降香燭臺二然以燭

四配位每案爵墊一其前鉶二簠簋各二籩八去白餅黑餅糗

餌粉豆八去脾析豚拍配食糝食俎實羊一豕一香案上設鑪

一燭臺二

十二哲位每案爵墊一爵三酒實以鉶一簠一實以黍實以簋一

實以稷 籩四 實以形鹽 棗栗鹿脯 豆四 實以菁菹鹿醢 釜二 俎實羊

一豕一香案上設爵墊一爐一燭臺二帛九

正位一 哲位六 配位二 尊四 配位二 正位一 哲位一 爵十有二

設東尊桌接桌上帛八 配位二 哲位六 尊三 配位二 哲位一 爵九

設西尊桌接桌上壺一實福酒並爵一盤一實胙肉

均設東福胙桌上凡帛皆色白

正位

四配異篚

十二哲東西共篚凡尊實酒承以舟疏布幕勺具東廡

每位爵一酒實每案簋一籩一籩四豆四

先賢案前統設俎實羊一豕一香案上設爐一燭臺二

先儒案前統設俎實羊一豕一香案上設爐一燭臺二

尊桌上設帛二尊二皆先賢虛爵六篚罍勺皆

具西廡陳設同

崇聖祠

正位每案爵墊一其前鉶二簋二籩二籩十去糗餌粉豆十

去配食香案上設爐一燭臺二又前東西各統設一

俎實羊一豕一東尊桌接桌上設帛六尊六皆正位

配位 各三爵十有八西尊桌接桌上設帛四尊四皆正位

配位 各二爵十有二兩廡每位爵一酒實每案陳設簋簋邊

豆如

配位之數東西統設俎各實羊一豕一俎前香案上各

設鑪一燭臺二尊桌上各設帛一尊一虛爵三篚罍

勺皆具凡登鉶簋簋皆用銅籩用竹豆用木篚用竹

俎用木爵

正位三爵用玉餘皆用銅設洗於大次之外司樂設樂懸於

殿外兩階鐃鐘一編鐘十有六在東特磬一編磬十

有六在西皆懸以虞業東應鼓一祝一麾一西啟一
東西分列琴六瑟四簫六篴六篪四排簫二塤二笙
六搏拊二旌四節四千戚羽籥各六十有四又設洗
於

崇聖祠階下之東如式

各地方行政長官祀

孔子儀

凡縣知事每歲夏時春秋兩上丁日廟祀

至聖先師孔子獻官即以縣知事主之

四配以屬官或椽屬

十二哲以學校校長或教員兩廡以學校教員各東西
一人書祝版眡割戒具陳設省盞以椽屬糾儀以屬
官執事人以兩科人員及地方員紳學校教員學生
之嫻禮儀者選充在城文武任以上成與祭散齋二
日致齋一日祭前一日司事飭廟戶潔埽殿廡內外
供張如儀正獻官率執事人如廟習儀樂舞諸生入
廟習舞習吹祭之日行禮儀節與各省長官同各省
長官與京師祀

孔子儀同惟正祭官出入殿門皆由右不由左

右祀儀

祝辭曰維某年月日某官某致祀於

至聖先師孔子曰維

先師德參化育道貫古今集羣聖之大成炳前知以垂憲天下為公中國一人之量生民未有六經千載之心循宮牆而瞻富美入室升堂隆俎豆而奉馨香先明後法茲當上丁祇率彝章肅展微忱聿將祀典以

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新
禮樂明其禮祀尚

饗

右祝辭

迎

神樂奏昭和之章辭曰大哉

孔子先覺先知與天地參萬世之師祥徵麟紱韻答金絲日

月既揭乾坤清夷初獻樂奏雖和之章辭曰永懷

明德玉振金聲生民未有展也大成俎豆千古春秋上丁清

酒既載其香始升舞千戚之舞亞獻樂奏熙和之章

辭曰式禮莫愆升堂再獻響協鼓鏞誠孚壘獻肅肅

雍雍譽髦斯彥禮陶樂淑相觀而善舞羽籥之舞終

獻樂奏淵和之章辭曰自古在昔先民有作皮弁祭

菜於論思樂惟

天牖民惟

聖時若藝倫攸叙至今木鐸舞如亞獻徹饌樂奏昌和之章

辭曰

先師有言祭則受福四海黌宮疇敢不肅禮成告徹毋疏毋瀆
樂所自生中原有菽送。

神樂奏德和之章辭曰鳧繹峨峨洙泗洋洋景行行止流澤
無疆聿昭祀事祀事孔明以化烝民以育膠庠

右樂章樂舞

崇聖祠同時致祭正獻以國立或公立學校校長分獻
以屬官或地方員紳執事以地方員紳或學校教員
學生餘陳設行禮並同京師

崇聖祠祭儀

右祭

崇聖祠

祝辭曰維年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰維

王垂裕後昆光開聖緒為層冰之積水作大輅之椎輪既
祖功而宗德必有達人亦木本而水源不忘數典茲
屆上丁聿修祀事配以

先賢孔氏

先賢顏氏

先賢曾氏

先賢孔氏

先賢孟孫氏尚

饗

圖一 大成殿陳設及辨位

正位 饌桌

饌桌

饌桌

邊豆案

配位一

配位二

邊豆案

組

香案

香案

組

邊豆案

配位四

邊豆案

組

香案

香案

香案

組

邊豆案

配位三

饌桌

饌桌

西 邊豆案 六 哲位 六

組

香案

祝案

香案

組

東 邊豆案 六 哲位 六

尊桌 接桌

尊桌 接桌 尊桌 接桌

司帛

司帛

司帛

司爵

司祝

接福胙

接福胙

圖二大成殿階上下陳設及辨位

大成殿

司樂

樂工
歌工

典儀

贊引

典儀

對引

樂工
歌工

分獻

員獻

員獻

甬道

分獻

分獻

分贊

圖 三 兩 廡 陳 設 及 辦 位
東 廡 廡 廡 廡 西

先賢

四 十 位

邊豆案二十

饌桌

組

司馬

香案

司馬

先儒

三 十 八 位

邊豆案十九

組

司馬

香案

司馬

司馬

饌桌

組

司馬

香案

司馬

組

司馬

香案

司馬

司馬

位 九 十 三

邊豆案十二

先賢


位 七 十 三

邊豆案九

先儒

司馬
香案
司馬

圖四 崇聖祠陳設及辨位



司帛對
祭壺
祭壇

先儒三位
祭壇
祭壺
祭豆

武廟 在縣治東門裏即凌雲寺前清祭

關帝以中祀民國初頒

關岳合祀典禮乃奉岳武穆神位於殿庭與關位並每屆春秋兩

期依典禮致祭

文昌祠 在增福寺一名財神廟山門裏正殿三楹有抱厦

東財神殿三楹西娘娘殿三楹俱有抱厦後院佛殿三楹

並東西廂各三楹對寺舞臺一座

城隍廟 在縣治西門裏清乾隆三十八年理事通判清格

建並撰碑記

土地祠 在城隍廟內

厲壇 在地藏菴

鄉賢祠 在瑞雲書院左其右有節孝祠清道光十年福珠隆

阿建今並圮

節孝祠 在城隍廟

忠烈祠 未建

凌源縣志卷

寺觀

梁武舍身名稱蕭寺。明帝建蘸特尚青詞。仙宇梵宮。歷代益盛。豈仙佛有靈耶。抑習慣使然也。民國破除迷信。惟平民之常道是行。但建築所關。保存為要。凌源寺則首推關廟。觀則稱最天成。其他勝地名山。不乏洞天福地。合諸喇嘛大廟。與歷代寺觀之遺址。前後彙而誌之。亦備考古今廢興之一助云。志寺觀。

凌雲寺

寺即關帝廟在縣治東門裏東大街路北清乾隆七年僧
常福募化興修有舞臺十四年工竣立碑記其事民國改
為關岳廟合祀有圖

增福寺

寺有文昌祠前院中神殿三間有抱厦東財神殿西娘娘
殿後層佛殿禪堂在西院清乾隆十九年建有舞臺邑人
皆稱財神廟有圖

地藏菴

邑人稱鬼王廟在縣治北門外五里清乾隆癸酉前巡檢

孫際澄於西山坡設立義塚一區並捐建此廟名僧辛稀
居之其後山坡桃柳成蹊春時登望則良苗懷新紅綠交
錯頗堪遊覽

見塔子有圖
溝紀畧

龍興寺

亦名龍王廟在縣治大北街當遵化街北口在初建塔子
溝廳時有遠僧來此建草殿一間未嘗以姓名聞於人因
共呼為草殿和尚乾隆十四年募建大殿禪堂山門重修

至今完整 有圖

西峯寺

亦名西梁廟修建宏廠在西門外里餘高埠處每自西來
抵廟始見縣街廟東路旁有井亭承平時代春夏季邑人
皆於午後齋集廟前遊覽寺僧供茶建筭皆在清乾隆年
有圖

天真觀

在縣治西門裏即城隍廟

有圖

三官古寺

廟在縣西十八里堡和衆故城西一名樓子廟先是不知
為何代之城同治年土人耕地獲一石碑文無可取惟鐫

某某施銀置地若干為天地水三官廟香火資今廟即其
舊址亦塑三官像但修此三官廟時在清嘉慶年碑尚未
發現

秀塔

塔分

在三官寺西半里許八面七面七丈餘面面作門形每當
門鏤七坐兩占像高十三級每級七丈高約廿六丈頂圮塔
子溝以此名焉建築築年代無考

朝陽洞寺

在縣西四十五里徐家燒鍋村南山之陽屢有異警恐驚

人聽聞故不載

雙廟

自三官古寺西去三十五里為雙廟先是附近居民於清雍正四年建九聖廟一間嗣於七年建關帝廟一間因名其地為雙廟云

見塔子溝紀畧

今已增修大殿有山門東西禪室

萬祥寺

寺在雙廟東北十餘里東山阿中大物也與金黃山彙善寺建等工相等兩寺相距七十里稱一家焉清乾隆八年高宗詣盛京取道熱河曾駐驛其地賜名萬祥寺有寶座

一位喇嘛百餘人

松嶺廟

在嶺南一里餘局勢整齊廟前有集市五日一集四方商販雲集

彙善寺

寺在縣東南三十五里之金黃山清聖祖勅賜彙善寺規模宏壯有黃教僧寮二百餘今猶百餘為縣境建築特別大物春夏遊人雜遝其寺之東峰最高處自下而上約五里餘有蘭若三楹在洞口住持喇嘛四五人洞口有水一

泓不涸不溢圓如盆徑二尺清淺見底僅日供喇嘛所需

承禧寺

縣西八十五里為北宮又十里為南宮清康熙五十二年

聖祖駐驛其中心

今三十家子

見有石佛一尊露處榛莽間乃賜

帑銀五十兩命喀喇沁左旗三巴拉石公建立廟宇五十

四年告竣宏敞壯觀廟前舞臺在樹林中賜今寺名置大

喇嘛管轄僧眾分二十四僧院每院喇嘛三五人不等今

雖式微而完整如故彼時蒙民於寺之南北築室而居旋

又雜以漢戶遂以天子駐地名為南宮北宮云

祥雲寺

在十八汰牌古蘭若也阻山面河居民重修之莊嚴宏敞
香火不衰地方小學附其中有老槐一株高數丈蒼松滿
院大可合抱風景殊勝訪員孟傳文有句云香烟篆鳥書
空雁鐘響聲驚沙浦鷗

天成觀

觀在大城子街心清康熙六年道士夏一振募建天齊殿
三楹東西十間君殿各三楹關帝殿三楹嗣經道徒夏陽
春徒孫蒙古傳來正先後募建增修因之樓閣殿堂規模

宏敞美焉煥焉為邊地寺院巨擘

見塔子溝紀畧

清安寺

天城觀迤西有清安寺清康熙二年募建後殿三楹東西禪室各三楹中殿一楹東西廂各三楹前殿三楹鐘鼓二樓山門三楹後又經僧性通性澈募化增修亦復宏敞對面舞臺與天成觀舞臺東西相峙

觀音堂

天成觀東南有觀音堂後殿三楹東西廂六間大殿三楹東西廂各三間山門一間有聶馬喇嘛稱係伊祖劉大夫

所建見塔子溝紀畧其後又增修

降魔寺

寺在小城子東三里北山石洞中供石佛山下建大殿三楹東西廂各三間前殿三楹山門三間相傳山下行人常有遇邪魔者因改名降魔寺承德府志

老塔

塔在大城子街東一里高約十丈塔前有小廟一間山門一座附近復有兩小塔亦名小三座塔

復性寺

寺在大城子老塔附近係新建者有慈善會前數年曾造
一船在大凌河岸渡來往行人民國八年地方大饑經會
董 徒步赴綏中同會募得賑款萬元交縣賑撫

精嚴寺

寺在大城子土人掘地得金碑一為利州精嚴禪寺蓋公
和尚於大定六年始開堂於精嚴禪寺為第一代知精嚴
寺金世宗時建元一統志精嚴寺在利州西關大定間建

與此合今廢

承德府志

茶棚廟

在本村中心為奉熱津赤十字通衢地最扼要

黑山科廟

在本村西山麓之高阜鍾樓殿宇極為軒敞廟前有集市
為奉熱通衢

白鹿山祠

祠在建德群石城縣

魏書地
形志

承德府志謂白鹿山在塔子

溝廳屬喀喇沁左翼東境祠址無考今黑山科北十餘里
為大黑山南麓有古寺遺址今重修之咸謂即古白鹿山

祠

天台寺

寺在申障子朝陽洞山峻拔幽勝遠避塵囂清乾隆末年
有高僧普老上人躬負漢白玉佛像携徒衆來居此洞其
徒有捷足如飛者有終日跌坐者有飲虎者種種異蹟父
老今猶樂道之當時地方人為之集貲在洞外建寺嘉慶
七年落成連建二碑撫寧生員張寅斗撰

詳藝文

李老爺廟

在縣西三十五里之聶鬍子溝乞雨多驗

青雲觀

觀在亂泥塘子橋上村道士二名

官廟

在菓木樹營子喇嘛九名

龍華寺

在十家子村喇嘛二十餘名

祥雲觀

觀在青龍嶺下羊角村有道士二人

金山寺

在嶺下土城子牌頭道灣子村有山橫障頂圓如金故名

金山河經山麓有二坑水流至此極有停蓄深不可測居
其處者家給人足山下有古寺村人重修寺有石碣一方
上鐫數十字嵌於牆中為元至正十五年大寧路利州金
山鄉楊家莊王公之墓寺中無僧有初校一所有碑清嘉
慶二十四年立

龍母廟

在西北地鄉乞雨多驗

龍泉寺

寺寺在嶺下安障子北二十三里之卧龍山洞中有佛殿

年代杳遠無可徵考有三洞其最清闊而精工者惟殿中
石刻牟尼一像形神翊翊其他二洞在石棚下鑿石深二
尺深五尺便出泉水深五尺大旱不涸洞外雜木參差遮
蔽天日巖石則成種種形人物羅列滿山望之幽雅

清泉寺

寺在安障子西前後山松柏蒼鬱有仙凡共賞之致清乾
隆二十四年建

蓮花池廟

一名菩薩廟在水溝黑山科之間每年春有廟會四方商

賈雲集

藥王廟

為嶺下地方之中心有集市商號多家廟亦宏敞

普善寺

在邑南平坊子村中清康熙年間勅建賜今名有黃衣僧百八名每名賜香火地三十畝今僧與地皆不滿其數

奶奶廟

廟在喀喇沁左翼旗署南八家子市北建築之偉頗具觀瞻喇嘛居之迤東一廟亦同軼其名

老爺廟

在喀喇沁左旗河西四道營子對面有舞臺建築精工寬
敞寺內供有郡王丹巴多爾濟從軍時鐵桿偃月大刀一
柄長七尺

湯神廟

在喀喇沁左旗西南四十里廟在市心有僧多名為縣治
赴赴乾溝間之要路

茨山寺

寺在要路溝北山阿中遍山松柏四時皆青鐘樓佛殿俱

在隱約間望之如畫

天命寺

寺在土心塔東一名土金塔今塔已圯悉慈善家新建者
內附設高等小學校校款出慈善家公籌

林泉寺

寺在邑南百里有元僧無際撰碑額曰大寧路惠州東錦
川鄉月華山林泉禪寺創建地產四至碑字完好碑稱僧
祥盤創立林泉寺正殿三楹繪毘盧聖像右觀音寶宮左
威光堂歲至乙巳百廢俱舉則寺落成於元成宗大德九

年也元一統志月華寺在惠州東一百九十里即指此後
寺廢清雍正十一年即碑側舊址重建此山上有石竇東
西相通故俗名窟窿山廟

碑詳藝文

前槽洞寺

在前槽村之平頂山洞內有古佛殿不計年代後重修道
士高姓住焉可異者洞門上石壁中有水淅瀝下滴年久
滴成一小圓池逕約二尺供乞雨者三百人飲之不竭

小塔子溝古塔

塔在四官營子鄉西北小塔子溝原有二塔今存其一無

年代可考高約五丈基座高三尺周雕海水波紋圖分六面級有四層每層簷角插三拱把之柏木椽下綴鐵環繫以鈴面面皆雕作窗牖欄杆形窮極工巧洞門開南面內容三四人無神像基座磚被土人拆毀甚多地方有古蹟居民不知保存行政官當然禁制也

菩薩古廟

在四官營子西溝山洞中有石佛二尊菩薩羅漢四尊有身無首不識修自何時壞於某代清嘉慶中土人以旱乞雨洞前既而大雨乃集貲重修之名之曰菩薩廟

有碑文無可取

圓明寺

在喀喇沁左翼西七十里元時建有碑今存舊址
承德府志

興聖寺

在馬家寨今寺與寨名均無考

文殊院

在馬峪興興聖寺俱見林泉禪寺地產碑要之皆為當時
僧祥盤饒有道行故諸檀越為之起建嗚乎僧猶如此為
士者奈何去道日遠耶

楸子溝古寺

塑菩薩藥王天后各像分殿供之清嘉慶八年建有碑詳藝文

清真寺

回回禮拜處有主教名曰阿宏寺在縣治北建昌街東嚮

頗具觀瞻

聖水院

元大德中總管劉姓為林泉寺僧祥盤建於仇家莊亦見

林泉禪寺碑今遺址無考已上欽定熱河志案林泉禪寺地產碑所載尚有馬寨寺興勝寺及馬

峪之文殊院皆林泉禪寺之下院今遺址俱無考

興教寺 在和衆縣

浴室寺 在和衆縣

淨修寺 在龍山縣東南隅

聖峯寺 在龍山縣東南隅

崇教寺 在龍山縣東南隅

極樂寺 在龍山縣西南十三里遼時建內有劉鑿塑像

熊山寺 在龍山縣南六十里熊山上有熊山寺

石柱山寺 在龍山縣南八十里石柱山中遼僧白羊大師

建寺於此

祥靈寺 在利州西關

洪廣寺 在利州東九十里

昌國寺 在利州東一百六十里

雲峯寺 在利州東南一百二十里金山之嶺中有瀑布

慶雲寺 在利州北九十里

玉京觀 在縣東北六十里長壽山有元至元二十四年玉

京觀地產弭訟碑記尚存白霄李察撰白霄張洪禮書

丹住持李守淨明光大師王志端張志定同立石元一統

志玉京觀在利州西十里此地在大城子西元時正為利

利州西境觀距長壽山四百步許今惟存舊址 案玉京

觀地產碑所載尚有龍清觀及瑞雲菴亦當與大城子相近今遺址俱無考

雲谿觀 在縣東南瑞雲山有洞曰天一大洞有元至正七年碑額曰大元遼陽等處大寧路瑞州海濱鄉周家莊雲谿觀碑前大都大長春宮提舉沖和葆素明一大師大寧路道門提點張道中撰純素安然大師松陽白道容書并篆額碑稱黃冠李元久於庚戌來遊斯洞鑿石興功庚辰祔建三清寶殿雲房齋厨煥然一新則觀實落成於元順帝至元六年今碑在山洞側觀已廢

重陽觀 在和衆縣

大清觀 在和衆縣

隆祥觀 在龍山縣東南隅

棲貞觀 在利州東孫家莊

龍山廟 在利州南二里

護國西齊王廟 在利州西關

石將軍廟 在利州西南二十里祈禱多應

昭惠靈顯真君廟 在利州西北二里

觀

十の号

古蹟

十五号

校

凌源縣志卷

古蹟

人生晚近輒發思古之幽情何憑乎憑其蹟也凌源僻居
塞上歷代遺蹟無非鐵馬金戈豈堪供嗜古者之尋訪記
載耶然而名山有月華瑞雲大川有白狼蒐濟其間荒墟
廢壘斷碣殘碑非無藉補史乘之闕者茲特舉其特其地
此而存之其有故址巍然漫無年代可紀亦可誌之為一
方掌故以待考徵詩曰維桑與梓必恭敬止其是之謂乎
和衆故址 在縣治西十八里樓子廟村東故址猶存漢臨

榆縣地有榆河臨城南利州今大城子玉京觀地產碑所謂跋

利州之西憑榆河之渡是也榆河經和衆歷今天城子東五里入大

凌河即承德府志所謂大凌河之北源也唐初為慎州地

載初二年析置黎州處浮渝鞞烏素固部落隸營州治

新黎縣復寄治良鄉縣故都城其地為奚所據遼置榆州

亦曰高平軍治和衆縣金廢州以縣屬大定府元因之明

初廢方輿紀要城西半里許有浮圖一座高約十數丈初稿

三官寺故址 即今樓子廟後殿三楹仍塑天地水三官像

寺內有元時土人施貲置廟產地碑文無可取初稿

永和故城 在縣治西三十家子市南兩水自列山梁西來

中夾一大平甸南北約二里許其間城址已不可尋認有

縣治天主堂司鐸閔雨生比國人以是地石代考之知為永

和縣故址遼屬榆州金廢

考之方輿紀要載在榆州西南十里之文頗合
摘自閔函初稿

塔子山之古塔 在邑南百餘里之香窪地方塔子山有塔

一座八級八面高約七丈第二級有敬德監造四字每一

面勒有五言詩一句詩云 初稿

諸法因緣生 緣盡法還滅 我師大沙門 常作如是說

諸欲皆無常 故我不貪者 離欲善思量 而證於真實

洞中石佛 在邑南百餘里之小佛爺洞口約丈餘其中石
臺上有古坐像石佛一尊二石童分立高丈餘形神逼肖
不知建於何代 初稿

石佛溝石佛 山之陽有洞口隘伏而能入有石佛五尊高
約一尺六寸洞後深不可測均無碑碣可考 初稿

平頂山洞之石井 洞內有天成石井以石投之水聲淙淙然
平泉 在邑南百五十里之喇嘛洞河西有泉自平地出大

旱不涸蒙古名之曰堂神泉嘗聚多人祭之 初稿

南哨山洞 有石櫃內有盛甲箭簇多件 初稿

石人石羊石虎石獅 在縣治西四十里八寶連雲海石羊

石虎溝村東山下一片平阜阜下有石人二高七尺古衣

冠刻工極精石羊二伏石虎二石獅一皆蹲又邑西南百

二十里大甸子村西亦有石人二石羊二石虎五迤西小

甸子小北溝山洞中有石人一石馬一附遼樵牧往往拾

得箭簇銅鏡等物 初稿

石柱 在龍山縣塔今白南六十里即今之摩石嶺也石柱屹

立於嶺之徑旁人每至此以手摩之則動儘力推之則不

動嶺下有遼僧白羊大師建寺遺址 初稿

金山鄉 在邑南嶺頭道灣子村為元時大寧路利州金山鄉
慶餘里 有遼時宋氏墓在縣治西十八里和衆縣故城之

河南艾子溝墓之後山名鹿鳴山

見藝文
宋氏碑

天一大洞 為元時之瑞雲山即今縣南二百餘里之雲山
洞也東第一洞口僅容一人內有石像占壇佛一尊前
行有鐘暨如人五臟形之下垂者撫之皆石也第二洞無
甚異第三洞名蓮花洞以洞門有石如蓮花形故名內有
石獅當中而伏望之生畏洞石皆古銅色中隱三洞其一
必伏而入有石龍一條首尾鱗爪分明如生前行一石蟒

從上而下栩栩欲活令人悚然又前有東西二洞東有石
棹一石柱一西則由下而上有一天橋行必經此多時而
還仍去時之洞口也洞之外又有東西二泉東流由山直
下西則盤旋曲流中道合并處由高下注作瀑布舉凡動
植各物落於水中經三年後即變石質故所產之上水石

其形狀多異也

見承德府志
塔子溝紀略

藏字古碑 在大城子東南數十里之柰木皋十八里台村

外有古石碑一座卧於道旁上造藏字不能讀

初稿

白狼故城 在今犇牛營子南十里之章京營子西山麓東

對白狼山即今大黑山臨白狼河西岸即今大凌河水經

注白狼城東是也慕容垂時北平吳柱聚眾寇廣都入白

狼城又高雲以并州刺史鎮白狼十六國春秋後燕錄馮跋時以并

青二州牧鎮白狼馮宏時魏遣將軍古弼等克白狼城北燕

錄

白狼城在營州西南漢縣屬右北平郡後漢省建安中

魏公操伐烏桓歷平岡登白狼堆去柳城二百餘里即故

白狼地也晉咸康六年石虎謀伐慕容皝自幽州以東至

白狼皆大興屯田其後慕容燕復置白狼縣又析置廣都

縣屬北平郡右北燕以白狼為重鎮置并州及建德郡治焉

方輿紀要 白狼城在建昌縣南魏書建德郡治白狼城今縣南境為北魏建德郡治白狼城今縣南境為北魏建德郡地

清熱河
河志

廣都故城 在今新城子村南距八家子三里水經注白狼

河經白狼城屈逕廣城故城南俗謂之廣都知新城子故

址為廣城縣也晉隆安初慕容寶自薊趨龍城至廣都是

也 初稿

石城故城 在今海道營子俗稱孩子營子河南黃家店水

經注白狼河屈逕廣城北流石城川水注之知黃家店之

故城址為石城縣也 方輿紀要漢縣屬右北平郡後漢省慕容燕復置縣並置石城郡治焉

宋元嘉九年北燕石城太守李崇以郡降後魏魏太平真君八年以石城縣屬建德郡北齊縣廢

方城故址 在三台小營水經注白狼水經石城川水東北

流方城川水注之故知小營之城址為方城也 初稿

昌黎故城 在今大城子東南白溝口外南哨之北水經注

白狼水由方城川東北流經昌黎故城西高平川水注之

知南哨北為昌黎城也但城之基址已模糊不易辨認而

其地則確屬一都會形勢也 以上五城事實詳建置 載記晉太康二年鮮卑慕容

涉歸寇昌黎安北將軍嚴詢敗之斃破宇文歸徙其部入五萬餘落於昌黎義熙五年馮

跋即天玉位於昌黎是也

利州故城

利州西北至大寧路西至和衆縣南至龍山縣

元一統志

利州城在大寧衛東南地名琵琶川唐末契丹遷奚

人於此統和四年置阜俗縣二十六年置利州治屬大寧

府金因之元省阜俗縣入利州明初州廢

方輿紀要

利州故城

在建昌東北元屬大寧路明洪武初嘗割隸遼東永樂後

廢今縣治東北七十里有廢城址東西一百三十五丈南

北二百丈周四里土人稱為大城子城外有大小浮圖三

亦名小三座塔城東有金承安五年利州精嚴禪寺圓蓋

和尚塔銘為北京路轉運度支判官趙秉文撰其銘曰松

漠之北利州之東無縫塔樣八面玲瓏又元至元二十四
年利州長壽山玉京觀地產碑為白霄李察撰文白霄張
洪禮書丹其文曰跋利州之西憑榆河之渡屹然魁秀者
長壽山也知大城子故利州城信矣大城子在縣屬喀喇
沁右翼旗北界其西北接平泉州屬喀喇沁右翼旗界為
大寧路地亦與元一統志西北至大寧一百六十里之方

位相合

前清熱
河志

青山

縣名在嶺下大屯

東數十里

西即慕容翰攻鮮卑留壁處高齊

主洋天保四年擊契丹使司徒潘相樂自東道趨青山齊

主至白狼城以今方位考之大屯之青山東在白狼城東南

約百五十里所謂東道者蓋指此又清本承德府知府曹景鄰

珍寇處方輿紀要謂在柳城東百九十里待考 初稿

玲瓏塔 在其村後山埠上以巨石條橫監疊架成方形故

透露有玲瓏之象高可二三丈尺無頂詢之土人不知年代

籟箕村北廢城 在嶺下藥王廟北十里俗名後城子距大黑山四十里

史稱白狼山近故凡城無考未便附會 初稿

土城子廢城 在大黑山麓古白狼山麓有遼之海北州崇

義軍當屬此 初稿

海濱故城 在樂王廟

南宮故址 在三十家子南五里清康熙五十一年聖祖駐

驛地

北宮故址 在三十家子北五里清聖駐驛地

喇嘛障子行宮故址 清乾隆八年由熱河謁盛三陵道經

縣境在縣治西南四十里八寶連雲海之溝口外迤西間

有磚石瓦塊可認

縣北行宮故址 一名濟爾哈營朗清高宗駐驛處在莫胡店

村迤北清光緒二十年間尚有額房十餘間今悉變成田

隴無復遺址之可尋也

月明山 在和尚房子東北有石人五官皆備面南而立

老佛山 在楸子溝逼肖佛大座形南嚮左右前諸峯頭低

昂不齊環拱皆如佛彩環之奇觀也

滿井 在利州城南十三里鳳翼莊其水清冷冬溫夏涼晝

夜外湧至中夏正午澄澈見底雖毫髮之微歷歷可數居

民引以灌溉用之釀酒其味尤佳元一統志今大城子南湯

會經樓 在利州市心金章宗泰和年建元一統志會經樓在利

州故城內今無存

清熱河志

圓蓋和尚塔 在利州故城東金承安中閑閑居士趙秉文

所撰誌銘猶存圓蓋利州阜俗人從北京徵公付法大定

六年開堂於精嚴寺繼主松林靈感時人稱為蓋堂頭

清熱
河志

融安和尚塔 在利州故城東天成觀之旁塔上有融安和

尚靈塔六字其年無考

清熱
河志

龍山故城 龍山縣北至利州西北至和衆縣南至冷口元一

統志潭州城在大寧衛東志云本漢交黎縣地唐貞觀二年

於廢靜藩戍置昌州領契丹松漠部落治龍山縣隸營州

都督後移治三合鎮尋寄治於安次縣右常道城契丹初

置習家砦於此遼開泰二年置龍山縣尋置潭州廣潤軍

治馬金廢潭州以縣屬利州元改屬大定府

方輿紀要

龍山故

城在建昌縣南今縣屬喀喇沁左翼旗西南八里大凌河

之旁有廢城址周三里其北即大城子為利州地其西北

即小城子為和衆縣地其西南即永平府邊牆之冷口當

為龍山故城

清熱河志

和衆故城 和衆縣西北至大寧路東至利州東北至富庶

縣東南至龍山縣

元一統志

和衆城在大寧衛東漢臨榆縣地

唐初為慎州地載初二年析置黎州處浮渝鞞烏素固

部落隸營州治新黎縣復寄治良鄉縣故都鄉城其地為

奚所據遼置渝州亦曰高平軍治和衆縣金廢州以縣屬

大定府元因之明初廢方輿紀要和衆故城在建昌縣西北今

縣治西北二十五里有土城址東西一百六十丈南北一

百五十丈周四里有奇土人稱為小城子城樓子廟村在村東其西北西里許有浮

圖一即秀時稱秀塔也廟有碑小城子在縣屬喀喇沁左翼旗東北界其北接平泉

州屬喀喇沁右翼旗界為太寧路地其東九十里即大城

子為利州地當為和衆故城清熱河志

秦王魚石 在和衆縣北三里七寶山中其石皆有魚形元

統志秦王魚石在故和衆縣北元一統志所稱秦王魚者未

詳所指案志載瑞州產秦王膾以唐太宗征遼駐此得名

魚石之得名疑即因此

清熱河志案
魚石詳後物產門

乙連城 在營州西南二百里東晉初段國之東境咸康三

年慕容皝攻段遼於乙連城築好城以逼之隆安二年後

燕慕容寶保龍城復伐魏次於乙連義熙十四年魏主嗣

遣長孫道生等襲燕拔乙連城進攻馮跋於和龍不克胡

氏曰乙連城在曲水之西

城

方輿
紀要

乙連城在建昌縣西南十

六國春秋前燕錄慕容皝遣材官將軍劉佩攻乙連不克

蓋是時乙連尚為鮮卑段氏之地後入慕容氏今縣南境

為晉時鮮卑段氏之地

清熱河志

好城 慕容皝築好城於乙連東使蘭勃戍之以逼乙連十六

國春秋

前燕錄好城在建昌縣境內今無考

清熱河志

曲水城 慕容皝使蘭勃戍好城復城曲水以為勃援十六國春秋

秋前

燕錄曲水與好城相近在建昌縣境內今無考

清熱河志

興國城 段遼遣屈雲夜襲慕容皝子遵於興國城雲敗斬

之十六國春秋前燕錄興國城在建昌縣境內方輿紀要謂慕容氏

築興國城與乙連城相距數十里今無考清熱河志

新城 在徒河之西晉永嘉中鮮卑段氏所置縣慕容翰攻

段疾陸眷取其新城其後慕容熙置青州治新城即其地

方輿紀要新城在建昌縣東方輿紀要謂在徒河之西考徒河

在今錦州府之西北而新城更在其西當在縣界今無考

清熱河志

金紫城 在建昌縣境內魏書地形志建德郡廣都縣有金

紫城今無考清熱河志

長谷 在建昌縣境內十六國春秋北燕錄馮跋之父安東

徙和龍家於長谷又跋弟宏為亂跋驚死宏葬之於長谷
今無考

平地井泉 在邑南百五十里之喇嘛洞市河西嚮北有一

座觀音小廟附廟之東南有古柳二棵不記年代東北有
一井深不測底圓可合抱無論旱澇其水向北長流極清

澈蒙古以為神泉春秋祭之不敢取飲

初稿

堂神古榆樹 不記年代在縣東南六十里四官營子河南

幹老枝禿當春自下發新芽周圍二丈六尺有奇蒙古於

歷年四月二日在樹下設祭祈福

初稿

冢墓

南國之崇人思召伯峴山之阿碑勒羊公况睹馬鬣之封
於牛眠之地又當如何欵欵憑弔也邑境如塔山過梁溝
鹿鳴山等處為古人體魄之所藏倘不表而出之將所謂
封其樹題其墓俾九原溟漠無言應以悲喜交感者其文
明與鄙陋有不可以道里計矣窈深望古遙集之情為闡
幽發微之舉志冢墓

遼彭城郡王劉繼文墓 在喀喇沁左翼旗圖薩喀喇山古

名塔山今名楊樹灣子山即月華山脈也民國十五年丙

寅夏五被^月山水衝現為本旗輔國公李芳保存按繼文為

北漢主劉崇嫡孫宋太平興國四年帝下太原漢主繼元
降繼文拋妻子攜盧俊奔遼遼封為彭城郡王尋卒葬塔
山其年世事跡五代宋史皆未著惟遼史漢家人稱繼文
獨賢繼恩被弑張昭敏說郭無威立為嗣君郭不能用以
致國亡死之日遼主罷朝嗟悼久之命宜霸二州共營葬

禮十國春秋稱其魁梧有氣局良有以也

有碑詳藝文

遼中京提轄使宋正世墓 在縣西二十八里艾子溝北山
之陽民國十年被水衝現按正世家世榆州其父為太傅

兄為長慶軍節度使弟前為宜州弘政縣令世正受知於
魏王起家以都孔目官旋為北安州興化縣令以幹能改
授中京提轄使旋卒年四十八歲厝於京南義井院精舍
太平六年三月歸葬於南和鄉慶餘里鹿鳴山麓距榆州

治和衆縣八里

碑詳藝文

王公墓 在嶺下頭道灣子金山寺附近掘得石碣一方上
刻大寧路利州金山鄉楊家莊王公之墓年月係大元至
正十五年

王順墓 在羊角溝墓砌如石匣上造王順之墓大定十四

年立

金利州節度使關肅墓 在邑南二百里之過梁溝碑載肅

本解州人其五世祖璩稱武略將軍仕金為利州節度使至肅

仍守是邦時值金德將終元兵大至肅思獨力不能抗率

衆迎附太師國穆呼哩命肅分領舊衆南下中原所至有

功凱旋朝太祖於禾林賜金符授利州節度使族人慶宣

進通仲禮皆同時授官有差有賊張致僭號錦州糾黨四

出吞噬州縣官吏望風皆潰致哭以精銳二千奄至城下

攻之甚急肅度不能守乃與節副仲禮率兵出城奮戰竟

日卒以衆寡相殊皆死之城陷家族被害者二百五十餘
口時慶宣在香爐山聞耗勒兵與賊死戰却之並報經穆
呼哩引兵圍錦州慶宣悉衆前驅獲致鬻分之事平葬肅

於此

碑詳藝文

元康泰真墓 在縣東北六十里長壽山中墓傍石碑一立

有

於元初碑尾書丙辰年癸巳月丁酉日建撰文者白霜進
士李姓其名已剝落刊石者白霜石匠高守真也以史考
之丙辰為元憲宗之六年時未有年號故以干支紀年也
泰真利州花務村人元初特賜含真體道至德真人自號

雲峯子

清欽定熱河志
有碑詳藝文

元蓋公和尚墓 在大城子金利州精嚴寺第一代和尚也

其姓張名圓蓋阜俗縣

即大城子

年十九披剃出家叅禪於

玉泉安寶以未獲真諦乃退居靈巖佛髻山結茅棲隱空

山無人叅悟數年又詣北京求証於微公久之得厥旨歸

遂於大定六年在精嚴寺開堂說法聽者千人明昌六年

五月踣跌而逝俗壽六十四歲承安五年八月望北京靈

感寺住持傳法嗣祖沙門小師崇顯立石承直郎北京轉

運度支判官趙秉文撰碑

詳藝文

七号
田賦

熱河昔稱七廳之地有旗賦民賦之別惟凌民則咸墾蒙
地以祖代賦遷納蒙旗不經縣署計歲徵為國用者官帖
實帖數百金耳是以乾嘉以來地闢民聚而賦歛不加其
官俸役食先馮祭祀種種需銀轉行取之道庫丁無役戶
無徭牧地編氓獨享其福逮入民國軍興未已波及邊隅